

## 賣柑者言 劉基

杭有賣果者，善藏柑，涉寒暑不潰；出之燦然，

玉質而金色。置於市，賈十倍，人爭鬻之。予買得其一，

(玉：如玉石一般，名詞作狀語)(詞類活用)

(賈：通「價」，價格、價錢)(通假)

剖之如有煙撲口鼻，視其中，則乾若敗絮。

予怪而問之曰：「若所市於人者，將以實籩豆，

(怪：因……感到奇怪，形容詞作動詞)(詞類活用)

(若：你)(一詞多義)

(市：賣)(一詞多義)

(實：裝滿，形容詞作動詞)(詞類活用)

奉祭祀、供賓客乎？將銜外以惑愚瞽乎？甚矣哉，為欺也！」

(疑問句) (銜：通「炫」，炫耀)(通假)

(疑問句) (為欺也甚矣哉！)(倒裝句)

賣者笑曰：「吾業是有年矣。吾賴是以食吾軀。吾售之，

(業：以……為業，名詞作動詞)(詞類活用)

(是：此)(一詞多義)

(食：通「飼」，養活)(通假)

人取之，未嘗有言，而獨不足於子乎？世之為欺者，

(疑問句)

不寡矣，而獨我也乎？吾子未之思也。今夫佩虎符、

(疑問句) (吾子未思之也)(倒裝句)

坐皋比者，洸洸乎干城之具也，果能授孫吳之略耶？

(判斷句)

(疑問句)

峨大冠、拖長紳者，昂昂乎廟堂之器也，果能建伊臯之業耶？

(峨：戴着高大的官帽，形容詞作動詞)(詞類活用)

盜起而不知御，民困而不知救，吏奸而不知禁，

(御：通「禦」，防衛)(通假)

法斃而不知理，坐糜廩粟而不知恥；觀其坐高堂，

騎大馬，醉醇醴而飫肥鮮者，孰不巍巍乎可畏，

赫赫乎可象也？又何往而不金玉其外，敗絮其中也哉！

(疑問句)

今子是之不察，而以察吾柑！」

(是：這)(一詞多義)

(今子不察是)(倒裝句)

予默然無以應。退而思其言，類東方生滑稽之流。

(滑：音「骨」)(一字多音)

豈其忿世嫉邪者耶？ 而託於柑以諷耶？

(疑問句)

(疑問句)